



四佳集
九

詩

卷八

~ 16
2415
9



2415
18-9

四佳詩集卷之二十九

第十七

詩類

絕句


院落深深桐葉雨
池塘細細藕花風
小童學字渾身黑
老子啣杯半面紅

閑題

老子苦無事
步履日巡園
鸞啼蘇小宅
雀立翟公門
花學鷄頭軟
蕉分鳳尾翻
雖非真大隱
亦是避塵喧

次韻孫上舍同年見寄二首

燕老鷺殘時
苒苒鷄林鰲
岫路悠悠細
馬馱紅少年
事十載青燈
空白頭



歲月紫芝君邈邈功名青簡我悠悠瞻星臺下舊
訶舞夜夢歸來天一頭

西瓜行病中作

東門西瓜大似甕朝來忽被園丁送長刀快割如
半月隨刀紛紛落紅雪甜於崖蜜淡於水金橘是
奴馬乳婢老夫病渴腸欲熱一嚼胡為不口悅忽
然使我沉痾痊白日換骨思神仙去年服九千萬
粒今年飲湯三百斛紛紛毒劑損天和神効不如
東門瓜邇來酷熱同酷吏滔滔腸熱皆我比安得
此瓜分八垓世無扎瘡登春臺君不見年年西瓜
子堪摘金鼎丸丹猶未熟

無題

子美軋坤一腐儒四佳迂閣似耶無枕書丸藥真
成適看劔引杯亦是娛死後臭芳渾瑣事生前醒
醉是良旨千秋麟閣功名字可博當年酒一壺

書懷

何物愁來兩鬢秋分明病與老相謀恨無脚健如
黃犢只得身閑勝白鷗天地風流靈運屐江湖行
樂季鷹舟英雄心事非徒耳默默青山獨倚樓

夢到村家覺而有作

十年茅屋破三重紅槿籬邊翠竹濃枕上歸來初
睡覺滿城風雨五更鍾

黃州吟別權太守

去年再遊黃州春二月三月雲物新朝來小雨如

香膏屋角杏花紅，鱗鱗曠遠樓中開綺筵。中原使
華皆儒仙，金樽激灑葡萄醅。錦瑟玉笛春風前，主
賓半酣送酬酢。龍吟鳳嘯唾珠玉，金花滑牋麝劑
香。兔毫象管飛颯颯，擲窮白紙霹靂走蛟龍。新愁
鬼神吼風流，百年天地中。意氣崢嶸屬牛斗，退歸
公館宴重開。嘉賓滿座天上來，三行佳妓嬌於花。
羯鼓百面喧春雷，我時沉醉美人扶。玉纖玲瓏膚
似酥，今年衰病頭白盡。夢到黃州腸已無，黃州太
守來告別。詩成寫之一悲樂，松都過時莫開讀。座
中亦有斷腸客。

村老權龍川來說江村之興

見君今日思依依，茅屋山中好在非。三徑欲荒元

亮去尊鱸方好，季鷹歸雲開北嶺。山容瘦雨足南
溪，水面肥說與鄉隣。曾有約殷勤護我舊漁磯。

哭李執義姨兄

紹生

堂堂意氣古人前，蓋世清芬七十年。名宦多時增
憾慨，歸來晚節即神仙。生前松菊餘三徑，身後兒
孫足一廛。無復牛溪陪笑語，西風老淚眼雙懸。

獨坐有感

聞鷄無興管衙朝，獨坐空齋短髮蕭。欲買酒樽酬
齒蓄，慣經風雨老芭蕉。愁腸却羨無腸蟹，垢面長
慙洗面猫。萬物早知齊得喪，南華先我賦逍遙。

老嫗嘆

東家老嫗年八十，白髮被面面梨黑。小小膺選入

深宮織錦刺繡天下獨手獻五色袞龍袍至尊一
笑賜顏色花冠玉簪復珠履渾身綺縠金孔雀內
帑頒恩日萬錢蜀錦越羅滿箱篋女無悅已誰適
容一夜綺扇生秋風生秋風可奈何此身零落如
葉同年紀雖耄顏盡皺眼明不廢紡績功西家小
娘年二八茜裙藍衫白布襪朝來脂粉迷塗抹復
接花紅染瓜甲學得琵琶不成聲猶倚韶華嬌且
黠一見東嫗抵死笑何事年衰兼顏惡嗚呼小娘
莫笑嫗人生兩井不多得千金不得博青春百金
不得買白髮君不見北邙山下葬如雲云是太半
殤兒墳

謝忠清梁使相順石遣問

功名黃閣會紅面歲月青山屬白頭珍重故人千
里信滿窻風雨一天愁

詩成自笑

居正

在閑寂中病不能飲眼昏又不讀書
終日端坐獨吟但諷於口而已不書于紙
者亦太半一日所著或三四首或六七首
或踰十首非技癢也非此莫能消遣且詩
造次不做雕飾知不可以傳後雖有一二
句可以傳後無賢子孫堪為堂構終為韻
醬必矣知其為韻醬而亦不廢吟嗚呼可
悲也哉

一詩吟了又吟詩盡日吟詩外不知閱得舊詩今

萬首儘知死日不吟詩

獨吟

頗有獨園樂斲無空谷
筮拄頤丁字杖散髮午時
窻花落二三點燕飛四五雙
詩成添樂府祇愧不成腔

醉賦

朝來滿意斟白醪老態尚存能發豪
明日南山欲射虎何人東海同釣鼈
手中閑弄鐵如意匣裏深藏金錯刀
兒輩紛紛莫輕笑我曾三竊王母桃

閑中所見戲題三首

卯酒興酣沙枕一午飧
釘喜木樛雙六月無冰難解渴
喜聞茶鼎響春江

一張油席滑於酥卧坐皆便合病軀
熟睡支頭松

木枕覺來香縷裊沙爐

一奴鋤藥頭如鶴雙婢繰絲手似龜
客到欲知誰是主布衫藤杖黑駿巾

紅藕詩用前韻錄似金乖崖學士

我愛浮白長引滿兩耳鳴鳴纈雙眼
荷花紅酣政如拭香風吹吹生薄晚
安得此水變樽壘一日三萬六千杯
腰鼓百面聲如雷頃刻能遣花催開
花開一時皆嫣然結子如甕三千年
我時喚得太乙真卧看玉字同騎船
長風為帆浪為楫朝遊玄圃暮葛澤
歸來金鼎丹已熟谷神不死傳妙訣
君不見高堂白髮瑣屑飛明鏡又不見
家人碣磈蒼黃

揮塵柄萬事於人皆害性吾與乖崖後天地酌彼
北斗日相慶

白頭鳥

花間時見白頭鳥頭自古來因坐愁我自因愁頭
白盡汝愁幾許能白頭

夏日即事

柳陰翠合槐陰重日午主人初睡濃一陣涼風覺
身爽雨聲正在紅芙蓉

謾題

世態人情翟老門更無徐榻下陳蕃荒涼垂柳宅
前徑寂寞浣花溪上村枸杞粘紅曾結子簷蔔搖
碧又生孫光陰占送花開落二十四番今幾番

偶作

吾生成漢落天意惜艱難瘦怯菱花照愁憑竹葉
寬殊知火布熱故作冰繭寒萬事皆安分無心學
轉丹

寄岑上人

師在山中無出時我嬰塵網鬢成絲淒涼十載黃
扉夢珎重百年白社期種藥年來難理病採芝何
處可療飢相從欲問安心法莫遣人間俗客知

伏日

日高三伏北憲涼已與陶劉到醉鄉睡起高詔薄
薄酒傍人拍手笑吾狂

尹鴻樞

携鷄酒見訪詩以為謝

長日幽齋坐結趺喜君來訪得開娛黃鷄烹熟堪
垂筋綠蟻新香已滿壺醉後岸巾頭種種睡來歌
枕耳鳴鳴百年安得都無事間閑交遊折簡呼

醉後

百歲都緣四大忙閑中杯酒亦膏肓朝來猶未消
前渴石鼎濃煎雀舌湯

茶罷卧吟

蟹眼香茶渴未消小窻高枕聽松濤乘除有數那
能遣形影相隨不自逃後世文章尖鼠尾殘年勲
業刮龜毛極知世事如基樣國手無如不著高

夏日絕句二首

靈天斷續無時雨水閣留連盡日風客自不來心

又靜閑吟閑睡小窻中

去歲探春同蕩子今年坐夏勝高僧小水開殘紅
藕盡遠山高出白雲層

乖崖金領樞欲作乞骸牋倩東人四六集詩
以戲奉

少年曾見兩疏翁千載今聞一領樞五鳳樓前三
昧手不須依樣畫葫蘆

乖崖會佳妓於海邸邀予同觀以病不赴奉
次來韻

衰病蹉跎又一年花開無數為誰妍爭似乖崖老
學士肉屏風下醉長眠

古意

海底珊瑚高幾丈千年試作千尋網萬牛挽出滄
溟深蛟龍屢喫霹靂響搏乘日出紅濤熱光芒照
耀黃金闕平生季倫麤男兒一擊破碎紛似雪紛
似雪不足惜從此至寶無顏色

閔誼 妻挽章三首

驪江門閔舊傳家一醮于歸婦則多惆悵未能偕
白髮乘鸞今復去奔娥
一為幹蠱一門楣身後流芳已可知物理死生元
有數移天其奈鼓盆悲
青山埋玉嗟何及白首齊眉事已非我與主翁相
識久楚些題罷淚交揮

對酒

撫躬携影我零丁過眼流光隙駟經白髮功名成
落莫青雲耆舊半彫零牛毛萬事唯須醉蝸角一
生不用醒斷送百年詩酒在待看南極老人星

奉酬善山金太守

忻逢山簡為州日政值鄭虔置散秋鷺地西風吹
正急月波亭下共蘭舟

答李韓城

長閑轉覺閑為病多病真知病是閑珍重故人頻
問訊一生閑送病中間

睡起

園中桃李自成蹊睡起南窓正午鷄却怪詩情清
似水芭蕉葉上又新題

次韻尹鴻樞和詩二首

讀書窻畔著雙趺時復琴樽足自娛
衰年却怕臨銅鏡半醉猶酣擊玉壺
白傳老思妾換馬揚雄晚恨童有烏
張顛交分由來在隣舍何妨恣醉呼
功名身後上龜趺肯博生前事醉娛客
子長詩將進酒山禽亦復勸提壺
一生身世籠中鳥萬古人情屋上烏
月色政佳月既望開筵不惜費招呼

泛舟廣津

蘭舟一泛廣津湄赤璧風流妄自期
物換星移非昨日山高月小似前時
高唼已覺蛟潛舞長夜猶憐鶴到遲
二客從遊情下惡手中閑弄碧參差

田家行

田家田家樂未樂一家辛苦皆仰力
主翁白髮親扶犁大兒小兒皆耕耨
去年種粟田力薄充租納糶猶未足
今年種秫因旱澇一粒不收命如縲
南池菱芡猶未飽昨夜府帖徵青苗
欲向東隣賣黃犢黃犢背瘡蹄盡斲
蹄盡斲可奈何門前催吏如火急

織婦行

霜風昨夜如箭瞥機上絲頭半凍裂
機邊織婦續斷絲兩手龜盡寒砭骨
理絲軋軋鳴寒梭自恨身為他人織
織成下機催刀尺官租私債迷緩急
官私兩糶那可辜此身寧忍無裙襪
嗚呼既作田家婦卒歲甘分無衣褐
終然不學娼家兒為人謔舞

衣蒲篋

盧領府

思慎

權花山

斌

來訪

領府威名重花山物望高情深玉壺酒贈比金錯
刁氣槩存公等陪遊愧我曹應憐老徐邈不減舊
時豪

漫成

造物於人豈有私由來得失在人為功名僥倖遭
時早身世依違見事遲長日可無犀首飲少年元
有虎頭癡作詩要學安排法不用悲吟撚斷髭

次韻尹叔保見寄四首

瘦腰曾減帶短髮不盈梳斲拄西山笏宜休北闕
書何能鍾養鳥可嘆鉞呼魚悔不歸田早行當返

故廬

居閑身似寄睡起髮新梳杜老會耽句虞卿晚著
書百年如過鳥萬事已忘魚俯仰心無愧乾坤一
草廬

雲盡天如水窺簷月一梳青奴宜枕簟黃妳誤詩
書有意傷弓鳥無心縱壑魚人生聊自適天地是
遠廬

世事多如髮心閑自可梳都無迷簿領試此伴琴
書花落飛青鳥蒲翻戲白魚南山家悔晚何日結
茅廬

申同年自繩邀遊漢江別墅喜而有作

年年行到漢江潯江似桃花潭水深見說泗兒會

見底不如無底故人心

將如別墅由城東路登南山後嶺

木覓山高壓漢江躋攀後嶺已心懣荒荒日色連
平野淄淄雲容鎖斷砒惱客已聞禽舌百避人驚
起鶴飛雙岸巾小坐松陰靜拂面風聲細作腔

道中醉吟二首

歷歷曾遊處江山似故人深知官是夢除却醉非
真笑把烏藤杖狂遺白氎巾蹉跎驚老大終老此
江濱

問訊同年宅臨歧細徑分湖西林處士刻曲戴微
君垂釣絲千尺論文酒一樽預知歸去晚馬首月
紛紛

題申大諫同年自繩漢江別墅十首

昔杜少陵遊何將軍林亭留五言律詩十
首再遊又題五首極盡景物登覽之勝今

讀其詩可想二老風流氣象吾同年申大

諫別墅在於漢江濱其形勝甲於東方

正杖屨相從已踰十稔才拙一不題詠今

申侯索予一言謹賦近體十首錄奉非敢

妄擬老杜但記別墅之勝賢主人高懷雅

想伯仲於將軍者耳

居正攀附交遊於其
問又豈非幸歟詩曰

漢江別墅勝滌濠玆重主人屢見招極目天長蕪
水遠沉吟月小更山高盤心鱸落黃金縷杯面醪

香碧玉濤早晚盡拋塵世事與君來此釣靈鼈
祭天壇畔樹高低路熟綠江快馬蹄厭結香山白
蓮社來尋錦里浣花溪萬頃寒光天上下一樓清
氣月東西江山如此人如玉落日將歸興轉迷
朝回不用典貂裘百榼淋漓一水頭早歲知君長
作吏殘年許我醉封侯欲辭袍笏開三徑盡賣琴
書買一舟同榜故人同出處平生心事豈悠悠
尺五城南勝槩全多君收拾作青氈鳥過江去疑
無地鰲負山來別有天風月欲招黃鶴共烟波長
為白鷗憐愧予十載紅塵面須借長江一痛湔
詩酒風流自在身誰教名利強簪紳金門早隱東
方朔鏡沼終歸賀季真燕蹴飛花紅細細魚吹小

浪碧鱗鱗我今已袖歸田賦隙地何妨許卜鄰
十里溪山罨畫開幾番登眺共徘徊三竿落日紅
於藕萬丈澄潭綠似醅今日盡情扶醉去明朝更
約抱琴來此間雅興無人識馬上詩成白雨催
面面峯巒積翠重閑情更與粥同濃濟川樓下清
宵艇出日庵邊薄暮鍾萬壑雲松嘯危鵲一江風
雨吟老龍更攀北斗傾銀漢滌盡十年磊落曾
高人蓋世揖清芬水北樓居絕俗氛塵土斷無閑
世界湖山自有靜乾坤時來安用辟卿相年去端
能畢嫁昏何處玉人吹鐵笛凭闌清思月紛紛
山澤交非利勢交我來終日對衡茅西看栗島連
花渡東望麻津接箭郊摩詰輞川飛白鳥蘇仙赤

壁舞潛蛟明朝我欲盤中去休遣北山更獻朝
絕勝林亭舊姓何我如杜老幾經過綠純金鑠朝
叅懶銀鯽碧羹野趣多喜見紅梅蕪綠筍狂遺白
豔把青荷石闌點筆題桐葉自笑誰憐醉後哥

途中戲吟二首

碧眼黃髯黑面奴驕騎瘦馬走平蕪忽然塘突來
前過笑我山寇野服龕
羸僮矮馬路逶迤信口推敲得句遲却憶前呵行
滿道未應清趣似今時

城東

城東一驢子馱醉晚駸駸拂面憐松澗披襟渡柳
陰黑雲將雨意紅日下山心又踏風塵路長慙白

首吟

絕句

無暇白璧能成錯有價黃金不直錢天日明明頭
面上湖山默默酒樽前

閑中

閑中味味自堪憐不是詩仙即酒仙蒲屋黃金徒
自貴不曾賭我北窻眠

荅忠州朴牧使

繼性

去歲中原挽袖留不知白髮尚風流金灘水漲帆
飛急更擬元龍去上樓

自吟

八年黃閣混吹竽補袞會慙一字無自笑曾中多

少策愧於詩句費功夫

即事

深院日長燕子風
槐花如雪撲簾櫳
睡餘心渴頻思酒
手折池荷作碧筒

謝李平仲送燂烹鹿頭

鷄肋食微人自惜
鹿頭烹爛我何辭
思君更進一杯酒
獨坐浪吟千首詩

叙懷

大隱誰知在世間
宦情塵思共闌珊
已諳一鐵能成錯
未信千錢可買閑
詩道中興黃太史
世緣終淺白香山
殘年心事憑誰語
笑把青菱仔細看

答趙承春提學來會村莊

此身長笑野雲忙
坐卧無心趣政長
籌畫廊無面目風
流詩酒已膏肓
山童屢報脩衡宇
野客頻傳理釣航
南里故人尤悵望
白醪紅鯉也分嘗

示福慶

多時拭淚語童烏
愧我年衰愛汝愚
舐犢恩情當百倍
他年得見返哺無

福慶答二首

少年卿相列兒孫
富貴炎騰手可燠
造物乘除元有數
寧知天意厚家君
眼前花卉盛當衰
海上蟠桃結子遲
我擬高堂龜鶴壽
看兒白髮弄雛時

次韻水州柳上舍村居詩卷 孝寬二首

牢落儒冠一畝宮山林高尚傲王公倘佯盤谷風
流在歸去柴桑趣味同歲月不曾饒白髮功名何
以貢丹衷清貧守道如君少肯學昌黎賦送窮
讀君詩律中商宮法度森嚴議論公名宦何如時
事晚行藏自信古人同去年樽酒青雙眼今日參
商赤寸衷此意翰林應報導江東渭北思無窮

聞蟬

午窓睡覺已閑情聽得寒蟬第一聲老去不須存
兩耳有聲皆作不平鳴

荅槐山李太守堦尊叔

年來同甲曙星殘白髮還羞攬鏡看河內今年君
借寇山中明日我歸盤功名惣說惜鷄肋世事深

知吞鼠肝早晚四佳風雨夕青燈挑盡說悲懽

見小兒圍棋感嘆有作

兩兒癡絕學圍碁勝敗無心信所為老我傍觀成
獨笑人間何事不見嬉

詠退筆

百戰文場奪錦袍中書勲業孰爭高莫言老去都
無用利世心存拔一毛

聞金光城謙光移病

君病傷心我散官相思不見月重闌交情老去鸞
膠固世事年來鳥道難白髮渾頭羞對鏡青山滿
意獨憑闌平生苦節知無用故舊相逢欲吐肝

小園

小園無客到細雨捲簾時笑把猩猩筆塗成燕燕
詩世情閑更妙句法老尤奇癖有幽居興移花間
竹籬

客有語我者曰斯文風俗日薄恩門門生之
禮頓廢可為吾道寒心居正亦不得志於斯
文門生者也悵然有作

古人愛斯文今人絕斯文古人敬恩門今人辱恩
門愛則為骨肉絕則為讎冤敬則為父子絕則如
羔豚君不見唐家狄相國桃李榮又不見高麗琴
學士王筍生門生座上斯文光千古藉甚流聲名
今時寧馨是何物腹有劍弓口有蜜欲喪斯文根
欲食恩門肉四佳座主斯文老獨坐胡為淚霑臆

辛敬叔蔡子休柳子馨來訪醉倒明日題寄
以寓謝情二首

三十年来舊酒徒白頭佳會更清娛閑論往事頻
開口醉發真情或挽鬚世態無常隨冷熱交遊有
道任榮枯髯金為撥我洋曲我輩相知古亦無
宗元惆悵屈多年白髮青衫老可憐跪結久無廷
尉襪坐寒寧有廣文種今吾於世龜藏六見子何
時驥騁千聞說晉山勤吐握著鞭誰復祖生先

流頭日

流頭時序又悠悠何處臨流洗白頭水餅團團崖
蜜合山醪細細甕蛆浮風聲入竹憑陵暑雨氣侵
荷探借秋車馬滿街汗如雨何知僻處有高樓

細雨是日作

細雨不成滴長風吹未休
可憐花解笑欲學草忘
憂會影寒塘淨蟬聲老
樹稠獨唵空白首無處
作流頭

述懷

愧向明時玷姓名閑中歲月聳崢嶸
無腸亦食真如蟹有耳難聞酷似鐘
橘子渡淮翻作枳楊花入水化為萍
紛紛物理窮難盡世事乘除亦可驚

行上人來訪

斗室小如許終朝水氣涵寥寥
心抱一默默口絨三歲月苔封
枿乾坤月印潭僧來時問字揮塵可
清談

謝趙承春提學寄蒲筍三首

蒲筍全勝竹筍香軟於薇蕨
白於霜年來食肉吾無分野菜
山蔬味自長急喚女奴滿意烹
長刀細切十分精煎油合醬加
薑桂絕勝東坡玉糝羹年來口業
野僧同蔬筍功高芻豢功我是前
身文與可廣陵千畝在胸中

閑題

覆餗知今日吹竽愧昔時
身微一蟻角面厚九牛皮已作
粘康懶曾知李廣竒誰憐閑事
業不酒即為詩

次韻忠清梁使相見寄二首

人情自古少知是世事由來難到頭老我生平踰
分極榮枯得失百無愁

去歲東都花滿眼今年南郭雪渾頭愧煩使相澄
清暇能慰幽人老病愁

鄉村人有贈鼈魚者詩謝之

可矣馬蹄鼈重之龍尾魚老夫非肉食驚喜定何
如

自詠

蕭條衰病一閑翁萬事乾坤俯仰中漢將理宜輕
賈誼唐賢勢自出王通頗知掉舌元無益休怪焦
頭反日功午睡覺來成小酌半簾微雨藕花風

立秋前一日

袞袞流光急深深小院幽荷花消酷暑桐葉欲新
秋今日何郎瘦頻年宋玉愁江湖思不盡舉酒獨
憑樓

夜唸

酒醒孤枕夢初驚深院風梧半夜聲傍砌寒蛩連
枕語窺簷好月近人明白髮蹉跎終老恨青山歸
去少年情床頭袍笏塵空滿手攬緜衣坐五更

十九日立秋

一葉閑飛墮井東數聲長缺又秋風今年好作蓴
鱸計十幅蒲帆在眼中

漫賦

苦恨平生見事遲宦遊南北鬢毛衰年高疏廣懸

車日官勝陶潛解印時
圯上未尋黃石去
山中欲與紫芝期
秋風吹盡鷗邊夢
落日平臺有所思

即事

紅塵車馬汗翻漿
水閣沉沉產午涼
手種芭蕉高出屋
通宵留得雨聲長

村人送新黃黍

早黍新春粒粒黃
爛炊滿眼滑流香
百年欲得侏儒飽
莫學邯鄲夢裏忙

閑嗟

羲皇一去世無淳
北牖吾今作逸民
黃甲才名時已晚
白丁來往日相親
江湖浩蕩魚龍得
門戶淒涼鳥雀頻
自笑載書三十乘
由來一字不饒貧

復次尹叔保見寄詩二首

酒喜連朝醉頭慵
半月梳著鞭無氣勢
稅駕有詩書身世
堂前燕功名竿上魚
悠悠迷出處
長愧孔明廬

出屋山如黛
鞞簷柳似梳
我微隨俗態
客著絕交書
種樹無奴橘
開池養婢魚
百年真是寄
寂寂愛吾廬

幽懷

兒癡官事苦難諧
寧有明時効寸埃
蓬白渾頭老將至
槐黃滿眼秋又來
虛名千載復千載
濁酒一杯還一杯
高枕晚涼恩到骨
數聲啼鳥滿庭苔

三次尹叔保詩韻四首

多時謝簪笏連月忘盥梳蒲沼喧蛙樂苔庭篆鳥
書圍棋敲玉子沽酒典金魚地僻同村塢無人訪
弊廬

芹蹤何處定蓬鬢不須梳病續煎茶譜閑編種樹
書人皆愛金馬吾欲火銀魚往事渾如夢星辰繞
直廬

神仙今可學一日髮千梳殮玉寧無訣鍊金自有
書遼東會返鶴濠上欲觀魚何處丹丘在行當往
結廬

吾生真漢落世事已配梳有興一中聖無心三上
書守株難待兔緣木孰求魚蕩蕩乾坤大堪憐此
小廬

寄叔保

人心著處自難收長愛吾廬僻更幽坐數落花人
寂寂卧聞啼鳥思悠悠懶從門戶頻騎馬謾著書
編已汗牛同閑故人情不淺詩筒日遍慰閑愁

秋暑

酷暑兼秋氣幽人易感懷水光晴更澈山色晚尤
佳倚壁赤藤杖上堂青草鞋焚香坐終日酷似太
常齋

秋情

淒涼一園內太半是秋情有階盡花落無樹不蟬
鳴黍飯扶身健麥醪喚眼明歸田計已熟不用占
時名

送晉州李牧使壽生兼賀家君李府尹大叔
父尊前

為州去日謁庭闈驚見南關畫錦輝始識毛君會
喜檄定知老子更斑衣晉山青接善山近洛水白
連菁水肥八袞堂前三釜養人生此樂未應非
追陪杖屨憶前年白髮紅顏望似仙喜聽閑談揮
玉麈頻看醉舞蹈瓊筵連珠疊璧難兄弟五馬雙
鳧自後先想得吾鄉開慶席月波亭下夢相牽

濁酒

濁酒三杯已發豪高譎激烈鉞聲高曾中籌策能
多少莫向樽前說二毛

次韻尹叔保

三伏凌秋暑未收水亭高枕儘清幽牙籤玉軸多
生約錦瑟金尊昨夢悠東海今年尋白鳥西關何
日訪青牛小窻未罷還家夢滿院蟬聲惹起愁
竹下殘碁散不收主人心地更閑幽風塵面目巾
衫弊詩酒膏肓歲月悠伯樂眼中無好馬庖丁手
下少全牛似予迂腐終何用咄咄書空但坐愁

夜吟二首

閑情愁思共淒迷多事寒蛩向客啼入夜無眠開
戶出碧空孤月老梧西
小塘半畝鏡澄澄上下天光綴玉繩何處一聲吹
鐵笛憑闌無語髮鬢髻

閑中自詠

人生何樂似休官日對蓮塘又藥欄白髮任從閑
裏長青篇多向枕頭看風歸密竹塵殘暑雨入高
梧借嫩寒怪底此心清似水紅塵半點不相干

演雅

雖無官事室如蝸日有黃蜂報兩衙天下徒聞一
角解人間頻見兩頭蛇語煩賓主誰家燕吠不公
私是處蛙鶴髮老人多慷慨青山捫虱岸烏紗

曉吟

自憐老少睡推枕舞晨雞人笑翁迂拙家無婦敦
礪何須悅芻豢亦是飽鹽齏濁酒多奇氣居然已
到齋

奉謝金大司憲問訊兼述卑懷

十年江海慣浮沉高卧閑齋日月深大識翟門貧
富態誰知徐榻去來心九還未熟金丹鼎一曲頻
彈綠綺琴屈指青雲知己少肯來聞我白頭吟

題畫十首為崔藝文

敬精作

鼇岑高處有仙臺畫舫何人載酒迴野老身閑多
事在杖藜徐步看碑來
老屋如船竹似苔茅亭更對好山開野人談笑何
曾俗不說雲臺說釣臺
野人茅屋互高低山比山南樹色齊里閑相從宜
杖屨釣舩多在晚江西
滿庭黃葉又秋風絕頂登臨眼界通見鴈欲傳千
里信如何謾學咄書空

西風昨夜響庭柯
村北村南霜葉多
水遠天長思不盡
碧空如水月如波
矮屋依稀半隱山
晚風孤艇泊清灣
夕陽何處僧尋寺
寺在杉松積翠間
黃茅剪剪小亭尖
西崦人家颺酒帘
晚卧拖樓隨意去
仰看飛瀑散銀簾
上寺樓臺下寺同
觚稜飛瀑掛長虹
山前野店還相似
古木蒼崖細徑通
遠近峯巒淡欲無
曉來飛雪白模糊
僧歸野寺銀蹤闊
過却前溪信杖扶
寺在層巒石徑危
一僧歸去夕陽時
誰家山下開三逕
客渡長橋步步遲

有李生

惟清

閱生

好達

權生

景祿

來問字

少年來訪老斯文
識字吾非似子雲
三子詞華皆吐鳳
明春桃李屬誰門

南原

梁相

識之

來訪

甲子曾叨門下名
鑿坡二紀侍文盟
炎涼異態他人事
生死論交只此情
白髮堪驚俱老大
青燈自足話平生
携壺更感殷勤意
大醉狂譎膽已傾

即事

竹窻深處嫩涼生
飲罷冰茶徹骨清
一片炎蒸飛不到
更留荷葉著秋聲

謝金同年

債

來訪

樽酒相逢似有期
滿窻風雨話心思
細看衰鬢添

新恨為挽長裾說舊時濃淡人情如啜粥輸贏世
事似圍棋與君交道踰三紀一曲我洋心自知

寄高城金太守

分憂當日阻離筵回首多時思黯然似說政清如
水鑑曾聞境勝有神仙扶桑海近先看日皆骨山
高半入天未遂東遊空白髮今年歸思倍前年

寄杆城俞太守

東韓奇勝說閩東今日分憂羨我公蓬渤神仙多
勝跡朱陳人物有淳風蘇州讌寢詩應妙山簡風
流趣自同老病閉門空白髮卧遊情思墮空濛

次韻金同年見寄三首

相逢依舊好襟期把酒論詩慰所思薄宦蹉跎君

有日虛名濩落我違時古來時俗輕文字觸處機
関似奕棋珍重百年交道在此心應有老夫知
南沼荷花藕似船身閑無事酒為年餘齡默想壺
中樂少日曾傳圯上編子有清詩追庾信我無健
筆倒僧屐滿朝豪傑皆年少老去心灰不復然
狂謀謬算負清朝那有聲名到管蕭苦節自持唯
有竹虚心不礙可無蕉草深池館雙飛燕花落簾
櫳獨睡猫白首已慙歸去晚故園南望路非遙

即事

沉沉水閣靜一聲何處雷黑雲拖雨去紅日下山
來波映藕心靜風翻蕉尾開幽懷難自寫吟罷又
啣杯

四佳詩集卷二十九
三十四
答礪山許太守

折腰郡縣憐君老，失足崑廊分我宜。他日相逢頭
共白，暮年情勝少年時。

答安東安府使

相思南望首重回，今日魚傳信字來。擬趁秋風賦
歸去，映湖樓上共停杯。

謝玠原朴太守寄茶

年來病渴可如何，玠重煩君寄羨茶。石鼎好煎生
蟹眼，睡魔驅盡又詩魔。

用成昌寧韻送慶尚觀察使金同年

首

嶺南佳麗勝關西，按察巡宣物議齊。白日黃金龜

照帶，青春碧玉馬翻蹄。二八筵中鸚鵡舌，三千曲
裏鷓鴣啼。行看一道澄如鏡，要遣籠紗護舊題。
先聲今已動南民，早識春官第一人。卿月光分天
北極，使星芒動嶺南春。青錢黃紙聲名舊，黑槩紅
旗氣象新。不日下徵龍尾詔，風雲聚會更精神。

四佳詩集卷之二十九

四佳詩集卷之三十一

第十八

詩類

應製狎鷗亭詩

居正既序御製狎鷗亭詩上黨求詩復切謹

依韻應製六首

三代元勳第一流悠然高興滿江秋
 圖形幾上麒麟閣乞骨終期鸚鵡洲
 魏國會傳扶日手商家久倚濟川舟
 江湖不與廟堂異憂國憂民亦自愁
 終南山壓漢江流新構華亭別樣秋
 天上何時降奎壁人間是處有瀛洲
 謝安已蠟登山屐范蠡無心泛海舟
 眼見大平無事日從容進退復何愁
 御札暉暉映碧流江山動色又新秋
 朝回北極黃

龍闕來賞南江白鷺洲綠野逍遙開別墅鑑湖歸
去有孤舟白頭耿耿丹心在一飯何忘戀主愁
江湖晚節可風流雅尚高名聳幾秋畫棟珠簾勝
閣雨晴川芳草漢陽洲青山窈窕長當戶白鷗安
閑不避舟莫遣是非聲到耳醉鄉天地百無愁
乾坤納納水長流拄笏看山又一秋北岳岩巖撐
碧落西湖隱映接滄洲曲江張相時還第赤壁蘇
仙日泛舟好是功名亦遂堪憐祀國謾生愁
不必明時退急流委蛇退食樂清秋溪山圖畫王
維輞雲物風流謝眺洲事業幾年留汗簡江湖無
日不虛舟當時雅望歸王謝敢向河間賦四愁

絕句二首

麒麟丹青萬古春歸來沙鳥亦情親若論終始功
名事北斗以南惟一人
漢家帶礪有深盟晚節何曾冒寵榮自是狎鷗家
世事鷗夷空有五湖情

七夕前一日雨

六日雨謂之洗車

河漢微雲雨滴疎香風一夜入紅蕖明宵牛女成
佳會天為雙星為洗車

七夕

長笑星官會合難一年一度為誰閑銀河烏鵲橋
難就玉枕鴛鴦夜易闌天上也應多聚散人間不
必說悲懽可憐十載長門恨幾羨牽牛織女看

讀乞巧文

平生蹇拙不須驅乞巧寧知及有虞造物亦難能
予奪只宜長守柳州愚

送崔監察赴京

淑卿

崔家兄弟聯雙壁昔時機雲今轍輶大崔早年選
鑿坡文章華國鸞五色小崔今年入烏臺我豈乘
駟腸鐵石大崔去年遊帝都唾落萬斛皆驪珠小
崔今年又如京伯仲豪氣天下無君來告別我喜
之看君意氣何竒竒胸中文章爛星斗筆下字畫
拏蛟螭腰間瑩瑩秋水刀按刃起舞謔聲高男兒
功名惜壯圖安用刺刺悲兒曹燕山萬古帝王州
黃金臺前天地秋桑繻不學終童狂觀樂可與吳
賢儔聖朝禮樂文物新眼高四海空無人歸來所

得孰仲多鷓原一笑回青春老夫少年如兩君兩
脚快踏幽燕雲才志大吾奈何無由策得觀光
勲當時脚健只如攢夢裏舊遊猶歷歷如今髀肉
高似山閉門獨坐頭盡白

將如村舍夜有大雨江漲悵然有作

思歸待明發夜雨滯歸期欹枕客悵悵隔窻鷄啞
啞田園無廢日江漢有晴時去矣吾將老陶潛不
復疑

明日雨又不止不出遊村舍

朝來雨不霽新浪急前灘兀兀愁騎馬悠悠獨倚
闌心隨江水急行逐蜀途難稚子曾相俟今朝眼
已寒

有感

豪傑明時已立登如子短拙百無能讀書早信心
肝苦處世那知面目憎白傅文章閑處妙歐公聲
價謗來增悠悠老病無窮思把酒成詩恨可憑

池塘偶成

荷花未謝蓼花開一片江湖入眼來欲擬廣津搖
艇興芒鞋竹杖立徘徊

秋雨

秋雨連三日乾坤萬里陰飛騰前日夢去住此時
心謾作鷓鴣賦空悲蟋蟀吟柴桑松菊在寧憶兩
疏金

又用前韻二首

朝衙無早晚行止管晴陰以此歸田興其如倚柱
心乾坤孤鶴唳湖海老龍吟晚節存丘壑何須季
子金
有意歸陶徑無機學漢陰蒼茫時世事落莫利名
心已矣慙齋瑟居然作越吟平生還自信可負四
知金

述懷

十載防賢愧有天如今謝笏敢圖前以予大是悠
悠者於世何曾數數然囊底雖無方朔粟杖頭猶
辦阮孚錢細思口腹餘身外典盡朝衫大醉眠

用前韻

生涯蝸角別巖天往事蒼茫在眼前悔殺六經掃

地矣歸歟三徑却天然欲尋方外求仙訣不省人間使鬼錢飽闕雨雲翻覆手到頭萬事合長眠

促織

秋宵獨不寐促織爾知音切切如相語淒淒亦共吟樹頭風更響屋角月初沉入耳聲相續其於慷慨心

送洪元戎

伯涓 赴幕

堂堂元戎我同甲曾中六韜才衛霍去年授鉞鎮南陲碧幢紅幕森畫戟從容談笑護轅門海濤鏡靜無妖氛宣召歸來將五衛眼中一一識陣雲由來內僕用老成君先被選人皆榮天閑龍種盡調習玉蹄安閑神不驚尋常咫尺侍龍顏睿騰日隆

誰能攀聖主宵旰重邊疆登壇授節輟近班君承寵命專閫寄大纛高牙擁鐵騎貔貅陣前虎豹旗琵琶帳底橫鼓吹方今文德舞干羽攬槍盡掃捲重霧將軍無事坐投壺玉駟閑嘶細柳雨牽黃臂蒼時出獵狐兔東西多似織金鞍細馬馱小娥玉壺載酒三百斛彎弓一發雉帶箭馬首紅翎紛似霰蛾眉一笑三軍同擊鼓傳觴急飛電從來百步穿揚手捲欲蒿街懸虜首數竒不數李射虎封侯可壓陳戶牖古今將才何紛紛幾人策得麒麟勳多君際會風雲期會有功名能出羣我昔少年攻儒術儒術知非萬人敵虛名箕斗復何用晚節姓字錢不直秋風昨夜響庭柯病中慼慼離思多黑

梨紅旗送君去青奴黃妳吾奈何

題古木圖

老樹高榭牙歲月飽霜雪盤根自百結虬枝森屈
鐵飛騰龍變化雷雨半成濕下有千歲苓去矣吾
當拾

題賞雪圖

江雲昏似漆朔雪白於屑山河與大地一夜瓊瑤
窟幽人開竹扉眼界迷空闊孤舟蓑笠翁款乃聲
欲裂

題青山白雲圖

摩詰已死郭熙無何人畫此雲山圖山自青青雲
白白青青白白相糝糊峯巒遠近碧芙蓉老樹暗

淡長林踈此間山水美無度豈無遁世清隱居我
欲掉頭去攀躋湍巖霧斂歸路迷歸路迷可奈何
耳邊鬚鬢閒鶻啼

秋霖不霽負歸田之約有作

怪底秋霖久不晴天公猜我故園行愁看漢江瀉
天勢怕聽雷霆劃地聲變裏味衰憐舊釀匙間香
滑憶新杭乾坤開霽寧無日也有山童解送迎

七月十四日

莫報中元節蘭供幾處盆斯文暗風雨異教遍乾
坤結夏僧闌會悲秋客斲魂悠悠空歲月極目望
田園

秋懷

刻地西風暑已殘故園情思疾於丸山中頻憶遂
初賦世上飽經行路難開徑陶潛曾解印歸盤李
愿豈耽官尊鱸已老吾行晚雨勢漫空獨倚闌

題畫十首為申同鄰

九宗作

樹影如龍布石壇高入閑倚玉闌干仰看瀑布高
千丈飛作人間六月寒

水閣圖

竹陰松翠細紛紛水閣淒涼絕點氛相對畫闌入
政靜博山香縷裊氤氳

對月圖

月本可憐酒可愛樽空月落無奈愁舉杯對月月

長好一笑空山天地秋

茅齋圖

剪剪茅檐竹似苔落花流水碧灣回半山紅日無
人到唯有山童袖卷來

松亭圖

茅亭絕小聳崢嶸風送松濤細有聲獨對薰爐暖
終日可憐待坐小童清

撫琴圖

入山猶恐不深深衣露風林坐撫琴一曲我洋無
盡思世無鍾子孰知音

山亭圖

松霧霏霏竹色深青山捫虱坐高吟孤舟日暮歸

何處鴈落西風字字沉

泛舟圖

泛泛蘭舟信所之半蒿新水碧連漪誰知無盡江南興都在拖樓晚卧時

渡橋圖

畫橋流水影如龍行色蕭條一短筇日暮行行安穩過曾驚劔閣幾千重

雪行圖

奚奴半凍馬凌兢風雪前頭骨欲冰何似上方僧擁褐地爐終日暖騰騰

七月既望有雨不泛舟翫月悵然有作

七月既望月當白意欲泛舟擬赤壁造物小兒多

戲劇年來於我苦相逼廣津水漲不可渡泥深馬滑箭橋路出門悵望入門愁奈此昏陰天又雨天上有月知幾秋赤壁之水萬古流天為蘇仙有此夕江流月白仍泛舟當時豪氣蓋乾坤一賦膾炙今猶存有舟不泛月不賞慷慨我欲闚天關天心予奪不可知世間萬事多參差負舟負月吾奈何兩鬢颯爽生涼颼

夢侍 光陵覺而有感三首

光陵迢遞慕羹牆夢裏分明近耿光覺後不知身是夢温醇天語耳洋洋
潛龍當日荷恩憐又侍龍顏十四年終始一身涵
聖澤攀髯無路淚長懸

昭代功名得保全先王遺澤至今傳年年白首詞
臣淚每洒光陵石馬前

贈克敬上人

解夏德方寺能來訪小齋何妨揮玉麈亦復借金
篋秋榻身披褐夜牀脚別鞋為師成半偈知我本
忘骸

題祝小卿孟獻山禽竹石圖

祝老戲墨天下無忽此眼明看新圖竹君石友同
一區山花野草兼汀蘆春晴萬物潤如酥百禽得
意鳴相呼小塘兩兩戲錦鳧江柳飛飛雙燕雛我
初驚見白頭姑忽此喜聞勸提壺布穀脫袴泥滑
途催歸喚起聲音殊我昔少年閱書厨飽識衆鳥

真頭顱最忌百舌同讒諛不堪鴟鵂百草枯尤怒
一物名訓狐矜兇挾詐非常麓披啗使我長睚眦
羽毛一一皆珍珠已無亂雀啄栗虞安有城烏尾
畢逋欲作禽言極張鋪只愧才薄非聖俞

應製狎鷗亭詩

并序

上黨府院君韓公明澮構亭漢濱扁曰狎鷗
成化十二年丙申十一月日上製七言近體
絕句各二首親札賜之明澮欲侈上賜旋即
繡梓粧以金青恭懸于亭壁朝夕對越天章
宸翰輝映宇宙在廷之臣咸誦誦讚述詩既
成編上賜覽嘉嘆於丁酉七月日又製七言
四韻四首賜之明澮俯伏拜嘉感激流涕言

四律詩集三十一
九
曰是何非常之寵不分之榮如其稠重乎
又求詩詠於縉紳屬居正颺之臣惟君臣賡
載實天下之盛事然天下雖大平非好文之
主則不違於文治雖有好文之主若時值多
艱則又何暇從容賡載者哉是故虞有雍熙
之治然後有君臣明良之詩周之盛時鹿鳴
以下五詩君讌其臣天保一詩臣祝其君其
上下相與之際辭氣委曲情意款洽非若後
世君臣道乖澤壅不下言絕不通之比也後
之論者以漢高大風之詩為伯心之萌武帝
秋風之辭為悔心之作是不可以與言於賡
載者矣惟唐文皇宋太宗及我大明太祖高

皇帝時與臣鄰詩詠然皆出於讌閑遊衍之
中皆不若我殿下優禮大臣拳拳於進退行
止之間也臣伏觀殿下聖學緝熙絕意於聲
色玩好而留神翰墨惟其天縱多能故其發
於神藻者日精月華陽闔陰闢融然為卿雲
粲然為彩霞藹然為春風杳無神化之跡御
筆之妙心畫超詣又不可以言語形容然聖
製聖筆未嘗輕以與人而上黨受賜前後不
一蓋自古人臣遇知於人主昵承爵命之寵
在笥之頒上尊之賜者多矣至如宸章御翰
錫賚便蕃天光昭回充溢巾箱藻飾亭宇者
求之前史絕無而僅有豈不以公累世之勲

四律言集三十
一
薦糝之忠能感動天心而聖上圖任老成一
出入一進退之間丁寧眷顧而待遇之益隆
者乎其君臣相得之深雲龍感會之機夫豈
偶然而賡載之盛又何多讓於虞周者哉臣
不佞獲覩盛美不可閤無詩詠謹再拜稽首
而應製云詩曰

趨朝待漏五更霜退食歸來日轉廊對越宸章奎
壁煥昭回御翰斗牛光宮壺頻送黃金醞仙液曾
分白玉漿晉接日三天眷切求閑無乃聖心傷
身際風雲雨露旁只緣憂國鬢蒼浪早年廊廟籌
應熟晚節林泉趣自長畫舫徐牽風解纜珠簾半
捲月侵牀江湖魏闕無窮思祝對南山手炷香

時序堂堂妙化機十年情興付苔磯尋盟江海鷗
堪狎極目雲林鳥倦飛綠野人誇裴相出鑑湖天
惜賀賢歸子房心事君先得自信封留極布衣
霖雨功成本在雲歸休寂靜水生紋青山相對會
非俗白鳥閑飛自不羣聖倚盞梅啟鼎手人思帶
礪漢家勲晚年乞退優游地終始功名到十分

寄峻上人二首

我識峻師久杳然心地閑幾尋正印寺曾送妙香
山袞袞相離別悠悠少往還李錫傳信字風韻更
追攀

名傳文暢後心許已公知會作韓生序頗嗟杜老
詩會尋黃蘗去已有白蓮期為問安心法呵呵

笑時

送戒浩上人覲親歸平山三首

興天聽罷講筵鐘，遠訪庭闈意頗濃。
 可惜十年行處衲，猶存少日別時縫。
 一庵法授三支論，兩祖禪傳五法宗。
 樂道清貧兼孝友，如師真箇釋中龍。
 一師松院曾相見，四老蓮亭幾獲陪。
 道眼射人光似月，禪談驚座轉如雷。
 白蓮有約終當社，紫芋無心昔共煨。
 已仗呪功行脚健，關西石路滑蒼苔。
 平山在望白雲鄉，杖錫飄然入渺茫。
 鵲嶺葉黃尋古碣，猪灘水碧渡飛梁。
 留題幾處光明偈，迎送皆聞解脫香。
 四重有恩皆可報，夜休鞋脚竟相忘。

題畫十二首為權護軍作

捕魚圖

山下茅廬水半扉，孤舟舉網得魚時。
 依然畫裏江東興，張翰蓴鱸幾日歸。

觀棋圖

黃冠皓髮野裝輕，相對圍碁笑語清。
 一局山中猶未了，人間勝敗幾輸贏。

平林圖

青山矗矗水悠悠，故渡無人橫小舟。
 古木平林是何處，白頭吾欲卜菟裘。

秋亭圖

瀟灑閑亭俯碧流，江南遊眺屬清秋。
 數行鴈字西風外，兩箇漁舟古渡頭。

秋山圖

扁舟欲泊晚江濤
鴈落西風字字沉
知有人家深處在
巖湍斂霧渺難知

村家圖

山前山後兩茅茨
老樹扶疎不設籬
落日渡橋人影轉
晚風搖棹釣船遲

釣魚圖

萬頃滄波一釣絲
此翁心事有誰知
渭濱寂寞巖灘遠
男子惟須出處奇

渡橋圖

一驢行色渡江橋
知有青山苦見招
何處君家盤谷在
可能於此能逍遙

釣船圖

空濛嵐翠掩柴扉
夾岸橫橋水政肥
且問野人生計事
一船留得釣魚歸

晚村圖

無數峯巒浪作堆
長風吹送小舡回
家在山中不知處
晚山雲氣撥難開

晚山圖

嵯峨古樹與雲參
石老岩奇水滿潭
更欲乘鸞吹鐵笛
夜深明月過江南

雲山圖

兩崖樹色翠繽紛
遠岫依稀黛未分
也識朝昏山氣變
晚風吹作滿山雲

送平安道鄭評事

鄭侯早有文武略應選為佐闕西幕闕西重鎮界
鴨綠元戎氣槩今衛霍手挽天潢洗朔漠天山掛
弓傳箭息幕府無事靜牙纛按壺雅謁傳觴急少
年書記老文墨揮毫草檄風颭颭曾中十萬范兵
甲借箸有時籌亦熟謝詩韓鉞俱第一鷹眼愁胡
那反側君記老僚來告別我無所贈心惻惻我有
古劍少雕飾十年磨淬刃霜雪我衰無用長在匣
夜夜龍騰自飛躍用之何有不平物陸剗兕虎水
蛟鱷我今贈君君自惜丈夫功名須磊落我慙書
劍兩不得獨坐送君頭盡白

謝一庵專上人來訪四首

雀羅門巷斷楚音時有閑僧乞句尋坐對軟談清
到骨秋風吹盡藕花心
瓶錫高踪不可攀師言又自佛岩還我時細問山
中事石澗松巒鶴共閑
黃堂無分吾何面白社相期只此心老病香山世
緣淺入山長恐不深深
小廬如舫佛岩西手種篔簹與屋齊長愧年年枝
上鳥催歸日夜盡情啼

到廣州村墅

最識還村樂秋深興更顛長腰炊正滑縮頸鱸方
鮮蟻綠新浮盎蟹黃不取錢野翁情纏繞醉袖舞
相聯

自諸富村墅晚還夢村

日暮村西路西風爽氣澄
陂流寒咽咽野樹暗層
層路黑迷魚市溪明認
蟹燈隔林茅屋在一犬
吠相應

村家夜吟

入夜村家靜藤牀卧獨慵
菘蕈香更軟秫酒冽還
濃土室饒人語糠燈急
夜春生涯隨處樂從此
事明農

與野老數人觀魚蛤藪醉還

廣水南邊蛤藪前蓼花深
處繫漁船忻逢諸老開
談笑宜復清樽共醉顛
舉網得魚蘇老興持螯
把酒畢郎賢年年此興
休辜負十載紅塵思惘
然

晚渡廣津

日斜廣津渡立馬猶喚船
水繞蒼崖下帆飛白鳥
前汀蘆飛細雪祠栢撼
清烟晚坐拖樓上詩懷
轉渺然

送永川卿遊長源亭十首

松都雲物欲清秋公子鸞
笙又勝遊去向長源亭
上望古今人事惏悠悠

龍孫別苑有遺基水色山
光不勝悲莫向夜深吹
玉笛無人解唱竹枝詞

鵲峯落莫入平湖行殿荒
涼草自蕪當日君臣無
遠略區區海島作王都

琪樹秋風已寂寥更無遺
老話前朝傷心莫說與

亡事只有青山送晚潮
淡烟疎雨禮成江一望江都意轉懷往事已隨黃
鶴去倚闌閑看白鷗雙
楓浦童津鏡面鎔摩尼山色翠芙蓉鵲峯黃葉英
雄恨酒瀉仙郎磊落曾
鶴背如船坐弄簫前身風骨是王喬夜深莫近星
壇過知有真君一笑邀
西風鴈字吐書空白馬山高秋色濃月白夜深船
近岸琵琶聲斷恐驚龍
丘壑風流十載心百年何用恨銷沉殷勤地主來
相訪杯酒更將人意深
碧瀾渡口棹船回更有何人脩酒杯紫洞有仙頻

悵望王孫為報早歸來

次高同鄰韻

黃紙書名料不然聖恩稽首大於天只慙補袞曾
無効莫遣親朋吉語傳

送辛書狀李珣赴京二首

大廷白日策賢良親擢龍頭御墨香舉舉中臺為
糾正行行上國又觀光人驚當路風霜面自信平
生鐵石腸此去聲名應藉甚遠遊况復壯文章
燕山北望去途脩送客頻年憶舊遊丁鶴悠悠遼
月老盧龍漠漠蘄雲愁灤河孤竹連官道易水金
臺近帝州一夢釣天猶在眼卧遊容易白吾頭

戲次吳同隣詩韻孝永四首

白室怡神真自適紅塵蒿目有誰憐如君真箇入
中佛大隱城中七十年
萬事噬臍真自悔一生謀口亦堪憐虛經疏廣懸
車歲漫擬香山結社年
夢裏羆熊嗟已晚眼前豚犬復當憐吾園又種蟠
挑樹擬見三千結子年
樂天鶯妾君曾錯伯道無兒世共憐女嫁男婚渾
細事孟光相對樂餘年

重九會成均館課諸生二首

年年重九課場開聖代涵濡樂育才試罷諸生酬
令節黃花無數入杯來
館閣諸君盡老成斯文盛會樂升平從容觴詠衣

寇盛落帽龍山愧孟生

大閱三田渡南炭川邊扈從有作

聖君千羽致升平時復南郊閱大兵野擁貔貅嚴
士馬雲開龍虎動旗旌
行宮地湧山河壯御座天臨日月明扈從詞臣多
似織何人獻賦擬西京

行帳曉吟

郊原繚繞水流澄行帳相聯上下層五衛軍容嚴
夜令四更鼓角報晨興
西岑落月明金鏡北嶺殘星綴玉繩更做戎裝呈
燭坐平生鞍馬愧無能

聞丘判書同年下世從直

憐君軀幹最魁梧七尺長身二尺鬚自說聰明過
管輅人言道學繼程朱官躋一品三朝貴壽俯八
旬五福俱身後流芳應未艾眼前諸子似聯珠

假寐待早朝

東城飲罷醉如泥壁上殘燈夜氣淒栩栩未殘孤
枕蝶喈喈又聽五更鷄簾櫳有雪風來北霄漢無
雲月在西為整衣冠聊小坐朝天路上馬頻嘶

同年會席戲作

珍重同年會風流伯仲間羞將雙白髮坐對一紅
顏酒可商量飲懽宜自在閑主人頻報導待月醉
扶還

村家與趙權兩老同宿朝起有作

人生會合苦無多坐久挑燈落盡花趙老能成聽
鷄舞權翁自唱飯牛謠黃螯在手宜先斫白酒盈
盆不用賒醉後分離各南北三竿初日轉簷牙

哭韓西城

致仁

同閑知多少情親少似君晨昏頻杖屨花月幾壺
樽浮世真如夢重泉已隔雲山陽他日笛淒斷不
堪聞

應製月山大君風月亭詩六首

文物升平百載中公侯池館又春風宸章初賜星
辰煥御醞頻頒雨露饒一水連漪生鴨綠百花粧
點染猩紅樓前花萼承恩醉朝退松筠作主翁
十二闌干面碧塘高懸金額動龍光天慳地秘千

年勝柳暗花明百和香簾幙受風全退暑池臺得
月嫩生涼東平樂善人無間鷄狗何曾數孟嘗
玻璃水色冷涵亭晴旭暉暉轉綠萍鐵撥調絃彈
錦瑟金龜換酒送銀瓶夜涼月透荷心冷天淨風
飄桂子馨一代維城人似玉河間禮樂享康寧
池面鱗鱗動纈紋碧空如水淨無雲金尊影細穿
花見玉子聲高隔竹聞別院笙謔春浩蕩仙曹環
佩月繽紛眉間時見浮黃暈錫宴新霑醉臉醺
堂堂時序去侵尋羨景良辰更賞心選勝開筵花
氣襲納涼移席柳陰深新編樂譜分清濁曾購圖
書雜古今雅興風流兼淡泊小闌明月伴孤斟
歲春深塢煖烟生中使宣傳拜送迎錦鞦錢駉穿

柳過金鈴繡鴿拂花鳴九重雨露尋常重上界星
辰咫尺橫珎重聖恩應感激南山萬壽祝深情

用前韻

蓬島烟霞一苑中銀鈎珠箔捲東風梅粘玉蘂魂
猶冷柳撚金絲睡政饒宿鷺聯拳霜翹白游魚撥
刺錦鱗紅此間賸有江湖趣不必行藏問釣翁
名園勝槩簇林塘繡幙羅幃上下光水接天源來
太液花分日色下披香風生菡萏塵殘暑雨滴芭
蕉博小涼玉案賜珎多似織香橙霜橘客分嘗
天開一鑑繞華亭畫舫徐牽劈盡萍綠蟻黃鶯分
酒甕圍龍焙鳳滿茶瓶魚搖荷葉鄰鄰影燕蹴楊
花細細馨退食日長無箇事揮毫染墨寫黃寧

即黃

平鋪竹簟滑成紋一炷爐香學細雲好整牙籤閑
 始閱時拈玉笛靜堪聞天佐緱嶺招真侶地勝濠
 梁絕俗紛咫尺軟紅飛不到午窓高睡帶微醺
 蟠根仙李百千尋真主常敦友愛心麟趾時誇公
 族盛龍顏日賜聖懽深西周仁厚曾聞古東海謙
 恭又見今法部新腔詞隸萼航船一拍對花斟
 夾岸桃花錦浪生忘機魚鳥慣相迎千竿竹槩因
 風響萬柄荷盤得雨鳴琴上鳳凰音妙絕筆端龍
 虎勢縱橫名區勝地思難得神物攜呵似有情

哭曹昌寧府院君

錫文

堂堂麟閣畫穩步到三台好展經邦手堪誇阜國

財山頽無復仰川逝可能回滿眼皆黃口令人不
 勝哀

答善山金太守

萬事悠悠老病日百年衮衮天地秋故山遙憶政
 無恙恨不歸休買釣舟

福慶從師讀書

區區豚犬汝堪憐負笈尋師總角年我有一經聊
 附汝我無家世有金傳

福慶輩讀書

吾伊窻下讀書聲四五兒童似弟兄勸余寸陰真
 可惜龍猪他日正分明

賀玄大司憲四首

詩集三十一

十一

當年憲長愧非才君作中丞濫獲陪三載于今還
拜長盛名從此動烏臺
直以精忠遇聖知龍喉豸角摘如昆明時自有朝
陽鳳洗眼看君大設施
風雪容顏鐵石心知君謔諤古如今升平無事封
章少辟上頻吟御史箴
前後居臺升六弦因人碌碌仗諸賢題名記又重
新記拙業唯憑拙手傳

寄平安李監司

坡

相思日日首重回玆重今逢信字來昨夜大同船
上夢三行紅粉綺筵開

送禮曹許判書巡察平安道三首

南宮學士總戎權文武才高一代賢小范曾中兵
十萬謫仙筆下字三千旌旗影拂關西月鼓角聲
搖塞北天鷹眼愁胡應破膽挽瀟不日洗狼烟
早識魁梧七尺軀腰纏雙劍奮長鬚從容樽俎歸
談笑鎮定山河屬指呼心上籌謀應自熟目中胡
虜已全無堂堂衛國長城在勲業雲臺更畫圖
百年遭遇值升平文墨區區竊姓名自哂鬢毛空
颯爽賸教解肉坐崢嶸談論表餌慙迂闊敦說禮
詩尚老成何況年來叨總管莫教容易說書生
到高山寺稱題玄上人詩卷四首
溫溫初日照窻南穩坐蒲團一味酣醒得十年塵
土夢焚香終日飽禪談

少年山寺遍東南勝地名區趣政酣最愛高山獨
清絕逢師依舊十年談
紅塵白首走西南浮世功名一夢酣羨殺高僧無
箇事地爐香鼎坐清談
一江風雨滿城南山寺歸來睡獨酣世事由來膠
復擾不須捫虱謾高談

送辛同年柱赴邊

平生早識辛將軍將門將子仍將孫猿臂燕頤骨
法竒龍韜豹略兼武文東征西伐功已高佩印如
斗金橫腰去年杖鉞去鎮邊胡馬不嘶黃雲消今
年一謫綠數竒霜蹄一蹶聲名隨聖君拊髀思頗
牧頗牧之賢非子誰一朝賜環戍塞北一一君恩

應感激目中螻蟻將何逃要湏挽河洗兵甲看君
腰間吼雙劍蛟龍騰躍雷電閃陸剽犀象水鼉經
樓蘭一頭行可斬嗚呼男兒心事不寂寞丈夫功
名當磊落去矣好策大樹勲聖朝方闡麒麟閣

永明寺

大同江上牧丹峯寺在烟霞第幾重三十年前題
詠在始知紅袖勝紗籠

丁酉冬至病吟

漸知六旬近復見一陽來豆粥新呈椀椒醪又滿
杯生涯本多病造物為誰猜否泰寧無數時觀技
上梅

多病

多病無來客關門動浹旬盤饌多忌諱藥物雜新
陳老拙從時議清貧樂性真何人能辟穀我往卜
東隣

書懷

老病情懷更悄如功名世事已蘧條不如歸去田
園好無可奈何齒髮踈往事十年孤枕夢故人千
里數行書年來自許機關盡一任傍人笑索居

閑題

北風吹歲暮南日潑晴光坐擁紅爐火閑燒白木
香欲成千日睡却掃百年忙因病還多暇居然學
坐忘

夢遊驪興碧寺

馬岩東畔古招提烟鎖樓臺樹木齊歸去驪江一
艇月夢回孤枕五更鷄

至日後村人有贈黃蟹者

雪滿江臯凍未消此時黃蟹價增高贈來手劈持
杯看風味全勝畢卓螯

潦倒

百年嗟潦倒萬事總無心人訝詩顛甚妻愁酒癖
深藥方閑始抄琴譜病難尋一室清於水挑燈坐
擁衾

申司諫同年

自編以病賃屋南山

憐君衰鬢早驚秋身世今胡與病謀似說南山家
悔晚會聞北闕書已休新年季子三間屋少日元

龍百尺樓我亦蹉跎今已久相思雲樹幾番愁
寄黃同年九元春川村墅

不見鬚黃今七年相思依舊夢依然天園歲國山
歲宅水拍昭陽月滿船父母壠深蒼柏外弟兄庭
近紫荆前聖君方注思賢夢不日微書下九天

冬暖

冬暖如春暖半陰無半晴嬌雲飛不定輕雪落無
聲自可斜頭坐何妨跣足行豐穰應有兆拭眼看
升平

微雪獨坐

晝靜天微雪無人獨坐時樽憐浮蟻少牀許老龜
支踈懶生前習蒼茫歲暮悲居然剡溪興已作灞

橋詩

雪後以病諱酒戲吟

雪後寒猶甚病餘先諱杯未消膚上粟空聽腹中
雷已失陶潛興從知屈子哀老來存口業醫術竟
何哉

病中書懷錄奉子固

刁騷雙鬢雪霜黏身世居然老病無歸與濃於酥
點粥宦情淡似水和益平時毀譽牛毛擾末路聲
名鼠尾尖誰識一生閑適處基奩藥爨又書籤

病中述懷

歲月如飛鳥生涯是卧駝耽詩狂子羨多病老維
摩牀下猶聞蟻杯中已怯蛇蹉跎暮容色慷慨自

成詩

夜吟即事

小廬如斗紙糊塗落葉新燒煖地爐三幅紬衾温
且穩年來勤著睡功夫

又賦

年來勤著睡功夫身似山僧獨有鬚世事榮枯拋
已盡繩牀蒲薦學跏趺

寄平安道巡察使許陽城

盤松亭上朔風吹濁酒荒詩送別時何處鐵衣冬
戍樂此時金燭夜歸遲裹尸馬革男兒事演誥螭
頭學士宜說與廣文應報道東雲北樹幾相思

戲奉李蕃仲

燕頤新將軍龍頭舊壯元虎鬚曾快捋獅吼可堪
聞換馬吾慙老驅牛子策勲眉蛾渾在眼夢蝶也
紛紛

都摠府八直夜詠

六朝經幄忝清班三摠戎兵亦汗顏狹器已盈慙
鼉海重恩難報似蚊山火温金鴨香猶在水滴銅
龍夜未殘坐擁青綾清不寐朔風吹老鬚毛斑

自廣陵村墅還京途中有作

今年三度到村莊旋覺歸來味自長白鳥相親知
我鮑青山不俗起予商年高疏廣乞骸骨官勝陶
潛辭郡章自斷此身胡不斷紅塵歸路又忙忙

雪中偶吟

一簾撲撲雪糝糊乍掩孤屏擁火爐穩酌香醪醅
半面閑眠分與小狸奴

福慶學字

吾家狔犬十青春不識之無懶自真今日臨池初
學字龍鍾衫袖墨光新

哭姪李洌

汝作湖南倅吾時漢北居睽離三載後消息兩行
餘賦鵬嗟何遽懸魚事已虛此生那復見老淚自
霑裾

贈吳鄰老

孝永

吳君大隱市城頭龜鶴精神七十秋早歲掛冠真
自適浮名脫屣復何求朝廷豈少絀中散閭里皆

稱馬少游自愧功名頭白盡十年行止謾悠悠

夜吟

草堂建子月風雪最顛狂紙帳明如晝紬衾冷亦
霜病知宵永苦老覺歲徂忙曉起扶頭坐何須腹
酒觴

送徽上人

水鍾寺裏一沙彌妙寂庵來住幾時今日行隨流
水出昔年心與片雲期拈毫曾續高僧傳袖軸還
求學士詩明發打包歸去路蒼苔白石滑無泥

寄水鍾寺允禪老

龍江山上古伽藍細徑崎嶇入翠杉憶昔屢邀靈
運過至今猶阻遠公談溪邊呪鉢龍應伏石上繡

經虎更叅白襪青鞋吾亦在相逢一笑虎溪南

臘前雪夜

明朝是新臘獨坐惜流光窻印梅花月爐浮栢子
香病難酬酒債老更坐詩狂積雪寒如許何堪夜
正長

偶題

老病知誰健踈慵少見親行隨木上佐坐倚竹夫
人酒盡耳謀醉詩多不救貧自憐生事拙長被細
君真

老病

病與老相逼功名愧未休面曾癯似鶴心本拙於
鳩浮世槐安夢長年杞國憂光陰頻攬鏡心事轉

悠悠

寄姪李演 三昆季

爺孃已矣悲存歿弟妹胡然嘆別離箕豆休論荆
樹傳鷓鴣不及鶴鴒詩形骸細事都為妄骨肉深
情後必知眼見人情紛似雪白頭危坐嘆如斯

戲趙之漢 喪新妾

佳姬二八新樣粧男子何人鐵石腸惆悵薛娥何
太急人間難得返魂香

寄申司成子橋 時喪明在南原

不見髯申歲屢更嗟無信字報丁寧相思已覺潘
毛白縱見難成阮眼青徒有高陽應就醉行非草
澤莫言醒塞翁失馬焉知福似說南州見壽星

冬寒料峭雪晴時金鴨香殘漏亦遲小醉閑眠不
知夕紙窻明處樹陰移

入直曉起

敦化門樓報曙鍾衣冠已整坐從容青綾尚覺風
霜重黃醞新頒雨露濃衛國干城皆李郭明廷制
作惣夔龍經帷戎府叨承乏自愧微臣不世逢

臘日

今朝是新臘節物眼中新白入梅花雪青歸竹葉
春酒非揚暉樂詩似杜陵真索寞悲祖歲談懷少
可人

廣陵村墅韻金乖崖見和復次

吾家舊有百淙莊匹馬單僮路不長繚繞雲山開
活畫丁東岩溜學清商江湖萬里浮鷗鳥洞壑千
尋老豫章自識布衣留亦足白頭歸思轉茫茫

又用前韻呈乖崖

乖崖高調倒蒙莊載筆何須數子長灑噩文詞追
典誥鏗鏘詩律中宮商閑抽龍箴三千軸靜寫鵝
經一兩章同榜故人空短拙欲尋墮緒奈茫茫

又用前韻錄似

數朶青山擁小莊藍輿來往趣偏長江船曾約釣
魚客野店頻逢沽酒商栗里將歸陶靖節鑑湖終
老賀知章與君更結香山社晚節風流興渺茫

臘月初四日初度

今日是初度衰容異昔時花曾生兩眼雪已遍雙
髭我自憐黃瘦人皆笑白癡妻兒情不惡次第勸
深卮

再遊廣津伯仲寺次柳太初韻自註少與成

李之安李升卿遊伯仲寺有是作詩今四十
年今年秋重脩是寺有僧於相間得是詩見
示感念曠昔
遂錄家蒙云

昔年伯仲寺裏遊今日重過又一秋桐葉題詩君
復興菊花泛酒我無愁蒼蒼山色知何意袞袞江
流不盡頭醉裏猶唵赤壁賦更隨明月上孤舟

追次前韻

江湖早歲飽清遊屈指如今四十秋水色山光渾
似舊菊花桐葉使人愁故交零落皆黃壤老我蹉

跼已白頭遙憶匡山無恙否春風直擬鼓蘭舟

次韻閔斯文奎見寄

故人遺我詩珎重雙南金君非避秦者胡然隱山
林歲月如跳丸兩鬢霜雪侵羲皇世已遠栗里多
清風四時自相禪生成有始終潮汐以為齊春秋
在宵中終當去卜隣庶幾開盲聾自註來詩有
借曆之語

再用前韻答黃同年允元

頻年苦憶老同年回首春城思黯然此日空懸徐
孺榻何時同上李膺船逢迎定在青春後惆悵其
如白髮前四十年間交分在分明頭上有蒼天

寄琴同年以詠高靈村舍

嗟君去國滯南荒嶺外政逢淚數行往事十年三

折臂相思一日九回腸帝恩賈傳召宣室天故謫
仙流夜郎造物棄除元有數青雲萬里屬飛黃

用姜晉山景醇韻答琴同年

我思美人天一方星鬢鬱鬱連高陽桂樹叢生蘭
芷香云是棄梓之故鄉去年一謫辭鷓行江湖短
艇訶滄浪雲山幽幽水流長經丘尋壑隨壺觴平
生出處信老蒼身世已倒義與黃愧我黃塵汗流
漿功名犇走如風狂無由長往脫名韁養生試學
南華羊君時一蹶何足傷禍福倚伏猶康莊今朝
不用悲參商與爾宵漢同飛翔

登俊試同年會金子固家以病未赴述懷寄
子固以戲二首

丙戌同年揔俊雄嗟予病不勝筵同花曾翳眼肘
兼柳茅已填心頭又蓬風流不讓諸公後衰朽應
先一榜中且問誰家續高會滿城桃李又東風
佳節年年約勝遊病餘心興轉悠悠梨園弟子雖
青眼學士先生已白頭豪氣陳登猶未減狂言杜
牧不曾收他時博得身強健雲雨鄉中醉作侯

立石庵有作

小出城西路來遊立石庵回岩隨地異古木與天
參客至題僧壁禪閑對佛龕歸來松徑窄晴雪落
糝糝

題小畫

竹涼松翠護茅簷野老相逢共軟談短艇歸來何

處客天長水遠是江南

偶題

小堂淨如洗坐對古銅爐
眠穩如蠶老身閑似鶴
癯紅殘衰裏面白盡病中鬚
笑攬青銅鏡頭顱似
舊無

題兵曹郎官契飲圖

九八八

司馬官居夏郎官上應星
同時膺妙選接武立明
廷膠漆心猶固芝蘭契已馨
風流八仙後高會續
蘭亭

四佳詩集卷之三十

